

ՍՈՎԵՏԱՀԱՅ ԱԿԱՆԱՎՈՐ ԲԱՆԱՍՏԵՂԾԸ

(... Շիրազի ծննդյան 50-ամյակի առթիվ)

Ս. Ա. ՍՈՎԵՏՈՎՈՅԱՆ

Հովհաննես Շիրազի ստեղծագործական աշխատանքը երեսունից ավելի տարիների պատմություն ունի։ Նրա բանաստեղծական առաջին փորձերը լույս են տեսել 1932 թ.։ Այնուհետև նրա գրվածքները պարբերաբար տպագրվել են մամուլում և առանձին գրքերով։ Այդ ժամանակամիջոցում նա ստեղծել է մեծ թվով բանաստեղծություններ ու պոեմներ։ Շիրազի անունը վաղուց գուրս է լինել մեր հանրապետության սահմաններից և տարածվել սովետական մեծ երկրով մեկ։ Նրա գրվածքները թարգմանվել են մի շարք լեզուներով, բազմազգ ընթերցողների սեփականություն են դարձել։ Շիրազը ամենից ավելի սիրված, ամենից ավելի ժողովրդականացած բանաստեղծներից է։ Նրան բոլորը գիտեն, նրա գրվածքները հուզում, գեղարվեստական մեծ հաճույք են պատճառում, կենդանի արձագանք են գրունում։ Ընթերցողների ամենալայն զանգվածների մեջ։ Նրա ժողովածուների լամպույնները հարստացնում են ժամանակակից սովետական հայ բանաստեղծական արվեստը։



Շիրազը սովետահայ պոեզիայում ունի իր ուրույն տեղը, ինքնատիպ արվեստը, ոճը, բանաստեղծական լեզուն։ Իր գրական գործունեության ընթացքում նա մշակել է գեղարվեստական-ստեղծագործական որոշ սկզբունքներ, արտահայտչական որոշ եղանակներ, որոնք միայն իրենն են և որոնք, միասին վերցրած, որոշում են նրա բանաստեղծական դեմքը, նրա արվեստի յուրահատկությունը։

Հովհաննես Շիրազը պատկանում է արդի հայ բանաստեղծների միջին սերնդին։ Նրա երախայրիքը «Գարնանամուտ» ժողովածուն է (1936), որտեղ գեղեցիկ է երեսնական թվականների սկզբին գրած ոտանավորների մեծ մասը։ Այս ժողովածուի գովելի կողմն այն է, որ երիտասարդ բանաստեղծը դիմում է արդի իրականության, շուրջը տեղի ունեցող հասարակական մեծ վերափոխություններն է դարձնում իր երգի նյութը։ Հին աշխարհից ազատագրված մարդու կուտակված եռանդն ու աշխատանքը, նոր կյանքի բարձրացումը՝ հնի ավերակների վրա, — ահա այս ժողովածուի առաջատար մոտիվը։ Բանաստեղծը

տեղծել իր շուրջն ամենուրեք խլրտացող կյանքի շունչն է զգում, ամենուրեք լսում է «քաղցր երգեր ու որոտ, կառուցվող օրվա կոփ ու հանդես»: Երգելով վերաշինվող քաղաքը, վեր հանող սոցիալիստական հսկաները, նորակառույց էլեկտրականները, համայնական դաշտերի աշխատանքը. որոշելով իր տեղն ու դերը՝ բանաստեղծը դրանք իր սրտին շատ մոտ, հարագատ է համարում, իրեն դրանց հետ է զգում, դրանց մեջ: «Այնտեղ է երգում իմ ջահել հոգին, այն հսկաների զարկով մոլեգին», — ասում է բանաստեղծը:

Հայրենական աստերադմի նախօրյակին լույս տեսած «Երգ Հայաստանի» (1940) ծավալուն ժողովածուն հեղինակի մինչ այդ ստեղծածի հանրագումարն է: Այդտեղ գետեղված է երեսնական թվականներին նրա դրած քնարական երգերի մեծագույն մասը, այն բոլորը, ինչ հեղինակը համարել է հաջողված: «Գարնանամուտ» և «Երգ Հայաստանի» ժողովածուներում հանդիպում են բանաստեղծական արվեստի փայլուն նմուշներ: Սրիտասարդ բանաստեղծը դիմում է իրականության տարբեր բնագավառների, շոշափում բազմազան հարցեր՝ սոցիալական, խոհական, անհատական կյանք և այլն: «Երգ Հայաստանի»-ում տեղ են գտել զգալի թվով ոտանավորներ, որոնցով հեղինակը արձագանքում է օրվա նշանակալից դեպքերին, քաղաքական կարևոր նյութ է շոշափում: Գրքի մի ամբողջ բաժնի գործերը նվիրված են Հենրիկի հիշատակին, Հոկտեմբերյան հեղափոխության: Առհասարակ Շիրազի պոետական խառնվածքին հատուկ է որոնման ջիզը: «Գարնանամուտ»-ից մինչև «Երգ Հայաստանի»-ն ընկած շրջանում ստեղծված քնարական երկերի բնորոշ գծերից մեկն այն է, որ հեղինակը ձգտում է իր գրվածքները հարստացնել նշանակալից բովանդակությամբ: Դրա շնորհիվ քանի գնում այնքան բազմազան են դառնում նրա բանաստեղծական շահագրգռությունները, ավելի ու ավելի ընդարձակվում են գեղարվեստական ընկալման շրջանակները:

Երեսնական թվականները երիտասարդ բանաստեղծի համար սեփական թեմաների, ինքնուրույն մոտիվների, թարմ, ինքնատիպ ձևերի որոնման տարիներ էին: Շիրազի պոեզիայում կայուն տեղ են զբաղում մի շարք պրոբլեմներ, որոնք հետագայում խորացվեցին ու դարձան նրա ստեղծագործության առաջատար գծերը: Դրանք, նախ և առաջ, քաղաքական մոտիվներ են՝ հայրենիք, ժողովուրդ, հեղափոխություն և այլն, ապա գալիս են խոհական բանաստեղծություններ, սովետական բարոյականությունը, մորը, մանկությանը նվիրված բանաստեղծությունները և, վերջապես սիրո և բնության երգերը: Երիտասարդ բանաստեղծն օրգանապես կապված է կյանքի հետ, ձգտում է գեղարվեստորեն յուրացնել հասարակական նշանակություն ունեցող երևույթներ:

Հովհաննես Շիրազի վաղ շրջանի մեծ կտավի գրվածքների մեջ հատուկ տեղ է զբաղում «Սիամանթո և խեղարե» պոեմը: Դա սովետահայ պոեզիայի մնայուն գործերից է: Հեղինակը հատուկ խնամքով է մշակել այդ պոեմը: Բավական է նշել, որ վերջին՝ չորրորդ վերամշակված օրինակը լույս է տեսել առաջին հրատարակությունից քսաներկու տարի հետո՝ 1957 թ.: Պոեմի նյութը վերցված է ժողովրդական բանահյուսությունից, բայց հեղինակը չի սահմանափակվել սոսկ ժողովրդական ավանդության վերարտադրությամբ, ազատ մոտեցում է ունեցել: Վերցված պատրաստի նյութը դարձնելով պոեմի կմախքը՝ նրան կենդանի կյանք է տվել, շնչավորել, պոետական ջերմություն է հաղորդել, կրքեր, զգացմունքներ տվել, միևնույն դեպքերին ու կերպարներին նոր երանգներ է հաղորդել, նոր պծեր ու իմաստներ սվելացրել: Դրա հետևանքով

«Ուխտանիցի և Խճեղարեն» պոեմը հնչում է իրրե ինքնուրույն գրվածք, սեփական պորտրետատիկայով, գաղափարական ուրույն բովանդակությամբ, սեփական, զուտ շիրագյան լեզվա-ոճական առանձնահատկություններով:

* * *

Սովետական պոեզիայի կենսական հատկություններից մեկը սերտ կապն է ժողովրդի հետ, կյանքի հրատապ հարցերին ժամանակին արձագանքելը: Լևյա գիծը առանձին ցայտունությամբ դրսևորվեց հայրենական պատերազմի ժամանակ: Մարդկանց մտքերում ու գործերում տիրող «Լեմեն ինչ ուզումձա-կատի համար» նշանաբանը պրականության և արվեստի մարզում ևս հրամայական օրենք էր դարձել: Նրկրում ստեղծված լարված իրադրությունը նոր խրդիրներ թելադրեց պրականությանը: Հայրենական պատերազմի տարիներին սովետական պոեզիայում առաջացան նոր մոտիվներ, նոր թեմաներ ու արտահայտչական եղանակներ: Սովետահայ գրողները պատվով կատարեցին իրենց հայրենասիրական պարտքը՝ գրչով ու սրով պաշտպանելով հայրենիքի ազատությունն ու պատիվը: Լեռնաշղթաների շարքումն էր նաև Հովհաննես Շիրազը: Ձայնակցելով ավագ գրչակիցներին, նա արձագանքում էր օրվա այրող հարցերին, դրանք դարձնելով իր պոեզիայի առանցքը:

Շիրազի համար հայրենական պատերազմի շրջանը գաղափարական հասունության և գեղարվեստական կատարելության տարիներ էին: Նրա պոեզիան հարստացավ նշանակալից նոր պորտրետներով, որոնք գեղարվեստական իմաստալից ու խոր մեկնաբանություն են ստացել, անհամեմատ բարձրացավ նրա գրվածքների գեղարվեստական վարպետության մակարդակը, հուզական նուրբ պոռթկումները, ռեալիստական պլաստիկ գույներն ու գեղարվեստական վառ երևակայությունը նոր փայլ տվին նրա ոտանավորին: Իսկապես ասած, Շիրազն առաջին անգամ հենց այդ տարիներին է ցույց տվել իր տաղանդի ուժը, բանաստեղծական ձիրքի հզորությունը: Նա լայն ընդհանրացումներ է կատարում, այնպիսի մեծ մտքեր, խոհեր, տրամադրություններ է արտահայտում, որոնցում երևում է ժամանակի ոգին: Նախորդ շրջանի գրվածքները նախապատրաստական փորձեր են թվում: Ընդհատ է, նա չի հրաժարվել նախապատերազմյան շրջանի մոտիվներից, ընդհակառակը, դրանցից շատերն սկսել են աստիճանաբար արմատավորվել նրա պոեզիայում, բայց դրանք արմատապես վերաիմաստավորվել են, նոր մեկնաբանություն ու գեղարվեստական նոր տեսք են ստացել:

Հայրենական պատերազմի ժամանակ Շիրազի գրած ստեղծագործությունների մեծ մասը գետեղված է «Բանաստեղծի ձայնը» (1942), «Երգերի գիրք» (1942) և «Լիրիկա» (1946) ժողովածուներում: Լեյդ ժողովածուների քնարական հերոսը հանդես է գալիս որպես լրջախոհ, իմաստնացած մարդկային ուժեղ բնավորություն, որն ապրում է մեծ զգացմունքներով, բարձր իդեալներով, մեծ թռիչքների մեջ է որոնում իր տարերքը: Բանաստեղծը կարողանում է գտնել քնարական հերոսի հզորությունն ու զգացմունքների ուժը ցույց տվող առավել դիպուկ, բնութագրական պատկերներ:

Լեյդ շրջանի գրվածքները ցույց են տալիս, որ հեղինակի մտահոգության առարկան երկրի վրա ծանրացած վտանգն է: Նա իր ձայնն է հնչեցնում թշնամու դեմ, ֆաշիզմի որակում է որպես «կյանքի թշնամի» և իր բանաստեղծու-

թյուններով կոչ անում՝ ոչնչացնել հակամարդկային մութ ուժերը: Առաջին ժողովածուն՝ «Բանաստեղծի ձայնը», ամբողջապես այդ գաղափարին է նվիրված: Նրա երգերի առարկան ռազմաճակատի մարդիկ են, կովի զնացող զինվորները: Այդ բոլոր զրվածքները համակված են հաղթանակի հավատով, նրանց մեջ իշխում է լավատեսական պայծառ ոգին. «Հավատում եմ, իմ հայրենիք, հա՛ղթ կմնաս»... Շիրազի քնարական հերոսը, խոհուն ու զգաստ հայացքով նայելով հրեույթներին, կարողանում է հասկանալ ուժերի փոխհարաբերությունը, խորապես զգում է հայրենիքի գործությունն ու անսպառ հնարավորությունները: Այդպիսի լուրջ խորհրդածություններով Շիրազը հանգել է հայրենիքի անպարտելիության գաղափարին: Իսկ կանխորոշել է նրա ոտանավորների ներքին էությունը, կիրքը, կառուցվածքը: Պատկերավոր արտահայտությունների սիստեմն ինքը ներթափանցված է անպարտելիության ու հաղթանակի հոգևրանությունից: Վերհիշենք, օրինակ, 1941 թ. գրած «Էքսպրոմտ» բանաստեղծությունը.

Մենք խառնո էինք մեր լեռների պես,
Գու՛ր հողմերի պես խուժեցի՛ք վայրագ:

Մենք ձեւ դեմ էլանք մեր լեռների պես,
Գու՛ր հողմերի պես ոռնացի՛ք վայրագ:

Մենք հավերժ ենք, կանք մեր լեռների պես
Գու՛ր հողմերի պես կկորչե՛ք վայրագ:

Անսասան, աներեր, անկոտրում հավատ. ահա այս հիանալի ոտանավորի գաղափարական պաթոսը: Այդ մտայնությունն է իշխում հայրենասիրության թևման շողափող բոլոր զրվածքներում: Հայրենասիրության գաղափարը հայրենական պատերազմի տարիներին Շիրազի ստեղծած պոեզիայի առաջատար մոտիվներից է: Նրա բանաստեղծություններում հայրենիքը հանդես է գալիս իրրև «անմահության ու խոյանքի աղբյուր», հայրենի գեները դիտվում է իրրև հերոսական զորքերի վկա: Հայրենիքը ժողովրդին հերոսության ոգի է տալիս, զորքին խիզախությամբ է համակում, հաղթանակի հավատ ներշնչում: Հայրենիքի սերը Շիրազի բանաստեղծություններում հնչում է անկեղծ ու անմիջական, դիտվում է ոչ թե ինչ-որ արտաքին պարտականություն, այլ հանդես է գալիս իրրև մի հարազատ, մի քնարաբույս զգացմունք, որը որոշում է քնարական հերոսի հոգեկան ու բարոյական աշխարհը, պայմանավորում նրա վարքագիծը: Այդ ձևով հայրենի աշխարհը ակտիվ տարր է դառնում ոտանավորի մեջ, քնարական հերոսը խոսեցնում է նրան, հայրենի բնությունը շնչավորվում է, ունկնդրում նրա ձայնին, մասնակցում նրա խոհների ու զգացմունքների գեղումներին:

Գեղարվեստական գրականության կարևոր խնդիրներից մեկը գրական հերոսի իդեալն է: Գրական տմեկն մի ուղղություն ունեցել է իր հասարակական, քաղաքական, բարոյական իդեալները և այդ իդեալները կրող գրական հերոսը: Սոցիալիստական ռեալիզմի գրականությունն ունի իր գաղափարական դավանանքն ու իդեալները, իր պատկերացումները գրական հերոսի մասին: Շիրազին բավականին զբաղեցրել է գրական հերոսի պրոբլեմը: Նրա այդ շրջանի պոեզիայում զգալի տեղ են զբաղում հումանիստական բովանդակությամբ բանաստեղծությունները, որոնցում գեղարվեստական խտացված պատ-

կերնհրով արտահայտված են մեր նոր բարոյականության մի քանի տիպական գծերը: Նրա քնարական հերոսը բաղձազան կողմերով է հանդես գալիս: Հեղինակն արտացոլում է նրա ոչ միայն, այլև շարենասիրական գծերը, այլև ցույց է տալիս բարոյական և հոգեկան հարստությունը: Մարդկային անհատի մեջ հեղինակը դնահատում է բարի և առարիւնի գործերը, այնպիսի գործունեությունը, որը բարիք է ստեղծում, հիշելի հետք թողնում կյանքում: Դա հասարակ օգուտի մտայնությունն է: Բարու, զեղեցիկի, բարձրի հատկությունները Շիրազի պոեզիայում բազմակողմանի են լուսաբանվում և խոր իմաստ ունեն: Բանաստեղծի քնարական հերոսի հումանիստական ձգտումների շրջանակները շատ լայն են. նա չի մտածում անձնական բարօրության մասին, անսիրտ համոզվել է, նա մտածում է աշխարհը զեղեցկացնելու, մարդկանց երջանկացնելու մասին, բնդհանուրի երջանկության մեջ է որոնում իր սեփական երջանկությունը: Դա անհատականի և համամարդկայինի այն ներդաշնակությունն է, որը միշտ երազել են անցյալի մեր հումանիստները: Այն, Շիրազն ուզում է ամբողջ աշխարհը երջանկացած տեսնել, փափագում է, որ զեղեցիկի հաղթանակը աշխարհում մեկ լինի, սրտանց ուզում է բարիքներ շաղ տալ հանուր մարդկության համար: Նա անկեղծորեն բացականչում է.

Մի բան է տեսնում սիրտս անամոհ՝
Թեկուզ մի վայրկյան
Լինեմ ծիածան՝
Ու ծալել ի ծայր աշխարհի գլխեր,
Ու գեղեցկությամբ աշխարհը լցնեմ՝
Թեկուզ մի՝ վայրկյան,
Թեկուզ մի՝ վայրկյան:

Հենց այդպիսի ձգտումների մեջ է Շիրազը տեսնում մարդկային անհատի ներքին հարստությունը: Այդ, ինչ խոսք, հումանիստական մտայնության այնպիսի ցայտուն արտահայտություն է, որը բնորոշում է Շիրազի քնարական հերոսի բարոյական կերպարը: Այդ մտայնությունը երբեմն այնպիսի նուրբ ձևեր է բնդունում, որ Շիրազի քնարական հերոսը խոր կսկիծ է զգում ամեն մի անմեղ կենդանի էակի կյանքի թելը կտրելու համար, դաշտի կանաչը տրորելն անգամ կարեկցության զգացմունք է առաջացնում: Մի ոտանավորում մաճկալը խոր կսկիծ է զգում, որ խոփի տակ է գլխի ու տրորել կանաչ մանուշակը: Եթե նկատի ունենաք պատերազմի ժամանակի ծայր աստիճանի լարված իրողությունը, այդ զրվածքներն առաջին հայացքից կարող են կրավորական թվալ, որ, իհարկե, ճիշտ չէ: Բոլորովին բնդհակառակը, եթե վերհիշենք այդ զրվածքների առաջացման պատմական կոնկրետ ժամանակաշրջանը, դժվար չէ պատկերացնել դրանց նշանակությունը: Հեղինակը դրանցով շատ գործուն մասնակցում էր ժամանակի զաղափարախոսական պայքարին, մի պայքար, որը տեղի էր ունենում լայն ասպարեզում: Այդ ոտանավորները զրվել են հայրենական պատերազմի ծանր տարիներին: Պատմական այդ ժամանակաշրջանը բնորոշ էր ոչ միայն այն բանով, որ երկու թշնամական բանակներ մահու և կենաց կռիվ էին մղում, իրար դեմ էին ելել հասարակական, տնտեսական երկու հակամարտ սիստեմ, այլև նրանով, որ շատ սուր կերպով իրար էին բախվել երկու թշնամական աշխարհայեցողություն, զաղափարական երկու հակադիր դավանանք: Ահավոր պայքար էր տեղի ունենում ոչ միայն կռիվ դաշտում, այլև զաղափարների աշխարհում: Շիրազի պատերազմական շրջանի բանաս-

սուղծությունները ժամանակի գաղափարախոսական կատաղի պայքարի գեղարվեստական արձագանքն են: Ֆաշիստների ռասայական բացառիկության, սեփական քեզի գերադանցության ունակցիոն գաղափարախոսությունը սովետահայ բանաստեղծը պատասխանում է հումանիստական բարոյականության փառարանությամբ: Ահա որն է այդ երգերի նշանակությունը: Մինչդեռ թշնամին ռասայական ատելություն էր քարոզում այլազգի մարդկության դեմ, վայրենի կրքեր էր բորբոքում, իրականում մահ ու սովեր էր սփռում իր շուրջը, — Շիրազի քնարական հերոսը բարիք է ցանկանում աշխարհին, խաղաղություն, երջանկություն ու համերաշխ կյանք է փափաղում բոլորի համար, ծիածան է ուզում լինել, որ ամբողջ աշխարհը լցնի բարությունը ու գեղեցկությամբ: Այդքան բարձր տեսակետից է Շիրազը մոտեցնել նշված թեմային:

«Երգերի դիրք» և մանավանդ «Լիրիկա» ժողովածուներում բավականին մեծ տեղ են զբաղում սիրո, մոր, մանկության, մասամբ նաև բնության նվիրված բանաստեղծությունները: Շիրազի անհատական կյանքը շոշափաղ ոտանավորներն օժտված են ներքին հարստությամբ: Վերցնենք մանկությանը նվիրված երգերը: Մանկությունը, մանկական պարզությունը, միամտությունը, բնական, անաղարտ անմիջականությունը, ինքնին վերցրած, միշտ էսթետիկական գալթակղիչ նյութ են ծառայել պոեզիայի համար: Շիրազի բանաստեղծություններից շատերում մանկության տարիների քաղցր կողմերը չեն վերարտադրվում, այլ դառնություններն ու կսկիծը: Նա վերհիշում է մի մանկություն, որտեղ ոչ մի լուսավոր կետ չկա: Սոված, ոտաբորիկ ու տկուր, դռնեղուռ բնկած՝ հաց մուրալիս, որին ավելի շատ ծեծելով դուրս են վռնդում, քան ձևոքը մի բան դնում. այդպես է վերակենդանանում մանկությունը Շիրազի բանաստեղծություններում: Ահա, օրինակ, «Վերհուշ» բանաստեղծությունը, որի մեջ հեղինակն ուզում է մանկությունը վերարտադրել իր անկրկնելի գրավչությամբ: Բայց այդ չի հաջողվում, նա չի կարողանում խուսափել տխուր ղեպերից, դրանք գալիս, դառնացնում են քաղցր հուշերը: Անմխիթար, անապահով, որը մանկություն. սա այն մոայլ ներկն է, որով գունավորվում է մանկության թեման: Տխուր մանկության դառնություններն ու կսկիծը հուզական ինչպիսի՞ թափով, ռեալիստական ինչպիսի՞ ցայտունությամբ են մարմնավորված: Ահա «Ջուր ծախողը», որը հեղինակի այդ շրջանի հիանալի գործերից է. ձևոքին բռնած կուժ մի պուճուր՝ ջուր կծախեր այն թուխ ու ժիր տղան: Իվ ի՞նչ.

Խմում էին ու՛ փուլ... չկա.

Կեղակս էին գլխիս փաշում...

Բանաստեղծը տարբեր ոտանավորներում հաճախակի է հիշում ջուր ծախող պուճուրը տղային, հիշատակում որը մանկության փաստերը: Բայց դրանցով չի ուզում տալ սոսկ աղքատ, անապաստան, որը ու անտեր մանուկների կյանքը նախկինում, այլ արտացոլում է մարդկային անհատի անապահով վիճակը նախասովետական հայ իրականության մեջ: Իսկ է որը մանկության թեման պարունակող գրվածքների բուն իմաստը: Այս կոնցեպցիան իր ամբողջ խորությամբ ու բանաստեղծական ուժով մարմնավորված է «Լեր հին վանքի պատերի տակ» ոտանավորում, որը նույնպես հեղինակի քնարական լավագույն բանաստեղծություններից է.

Մեր հին վանքի պատերի տակ

Շատ եմ բնել որը ու մենան.

Մուր գիշերին դուռ մնացել,
Շատ եմ ցրտից, սովից լացել,
Բայց ո՛չ մի ձեռք, ո՛չ մի աստված
Վար չի գցել նշաւու մի հագ.
Հե՛յ վախ, ի՞րավ, քե աստված կար,
Խնշո՞ւ շէր տա զեք մի նշաւու՝
Յո՞րք ես սոված գիշերն ի բուն,
Լալիս Լի որբ ու անտուն,
Բնկած անտէր, մերկ ու մեծակ,
Հին վանքերի պատերի տակ..

Մարդկային անհատի անապահով դրութեան, առանց հեռանկարի ու վաղա՛յն լավ օրվա երաշխիքի, — սա այն տիպական երեւոյթներից է, որն այնքան բնորոշ է տվյալ շրջանի հայ իրականութեան համար: Մանկութեան թեման, այդ ձեռք ընդհանրացվելով, հասարակական լայն իմաստ է ստացել: Այդ թեման բանաստեղծը հետագայում մեծ կտավի վրա մշակել է «Իմ ընկեր Լորիկը» պոեմում:

Պատերազմի տարիներին անհամեմատ կատարելագործվեց Շիրազի բանաստեղծական վարպետությունը: «Բանաստեղծի ձայն»-ում արդեն տեղ-տեղ պոետական փայլուն կայծեր են նկատվում, իսկ «Երգերի գիրք»-ը և «Լիրիկան»-ն նշանավորում են բանաստեղծական մի նոր, բարձր փուլ: Այդտեղ զետեղված բանաստեղծությունների մեծ մասը մտել է հեղինակի մնայուն գործերի գանձարանը և սովետահայ պոեզիայի նվաճումներից է:

* * *

Հովհաննէս Շիրազի ստեղծագործական էվոլյուցիայից երևում է, որ քնարական երկի ժանրային նեղ շրջանակները հաճախ չեն բավարարել մեծ հղացումների իրականացմանը: Բնական է, որ պետք է բանաստեղծական մեծ կտավի ժանրերին հաճախակի դիմելու պահանջ զգացվեր: Արդարև, նա երբեք ձեռքից բաց չի թողել պոեմի ժանրը. այստեղ ևս ուժեղ թափով արտահայտվել է նրա բանաստեղծական տաղանդը: Դրա ապացույցն արդեն տեսանք «Սիամանթո և իջեղարեն»-ում:

Շիրազի լավագույն պոեմները՝ ինքնատիպ արվեստով և արծարծած պորբյեմներով՝ ուրույն տեղ են գրավում արդի հայ պոեզիայում: Այդ ժանրի լավագույն գործերը կերտվել են հետպատերազմյան տարիներին: Որոշ շրջանում նրա գրիչն այդ մարզում ավելի արգասավոր է եղել, քան մյուս ժանրերում: Շիրազի հետպատերազմյան շրջանի լավագույն պոեմներն են՝ «Բիրլիական», «Հրադղան», «Իմ ընկեր Լորիկը», «Մեր գյուղերի անունները», «Մարդկանց անունները»:

Բանաստեղծական մեծածավալ ժանրի գրվածքներն մեջ առանձնահատուկ տեղ է գրավում «Բիրլիական»-ը: Դա հեղինակի ուժեղ գրվածքներից է, որում գեղարվեստական հզոր թափն ու խիզախ ընդհանրացումները համապատասխանում են գաղափարական խորությունը:

Շիրազի պոեզիայում բավականին տեղ են գրավում խոհական բանաստեղծությունները, որոնց մեջ կյանքի սերն է երգվում, հերքվում է ունայնության հուր, հին փիլիսոփայությունը և հաստատվում տարերքը հաղթահարելու, բնությունն ու կյանքը մարդկայնացնելու կենսահաստատ մտայնությունը: Շի-

րադի խոհական երկերի պսակը հանդիսանում է «Բիրլիական»-ը, որտեղ պրոր-լեմը լայն կտավի վրա է դրված, ավելի է խորացված, արտահայտված է առավել թանձր ընդհանրացումներով:

Սովետական գրականության կարևոր թեմաներից մեկը նոր գիտակցության, մարդկային նոր հոգեբանության ու բարոյականության ծնունդ է, ճշմարտացի պատկերումը հասարակական այն խոշոր պրոցեսի, թե ինչպես մարդիկ վերափոխելով բնությունը՝ վերափոխում են իրենց սեփական բնությունը: Այդ դործունեության ընթացքում քանի գնում՝ այնքան ավելի է կոփվում մարդու բանականությունը, բազմապատկվում է սեփական ուժերի հզորության գիտակցումը, դերս:գանցությունը շրջապատի ընդդիմադիր ուժերի հանդեպ: Այդ պրոցեսում լայն հորիզոններ են բացվում մարդկային գիտակցության համար, բանականության ամեն մի նոր հաղթանակ բեղմնավորում է նրա ստեղծարար աշխատանքային դործունեությունը, իսկ, մյուս կողմից, այդ վերջինն իր հերթին հարստացնում ու հզորացնում է մարդու գիտակցությունը: Եւ նոր հոգեբանության ձևավորման ուժեղ ուղղակիներից է: Մենք տեղանատես ենք, ասում է Գորկին, թե ինչպես ակտիվ, կազմակերպվող բանականության առավել ինտենսիվ և հաջող պայքարը հաղթանակ է չափում «բնության» մեխանիկական քանակության դեմ: Քայլ պայքարում ստեղծվում է իրոք նոր մարդը: Մեր դրողների թերություններից մեկը Գորկին համարում էր այն, որ ցույց չեն տալիս բանականության և հավատի պայքարը, չեն պատկերում, թե ինչպես վերանում է աստծուց օգնություն սպասելու հույսը և չբացող պատրանքների տեղ մարդու մեջ այն գիտակցությունն է առաջանում, որ ինքը անկախ է՝ «անհայտ, անհասկանալի, ամենագո ուժից», մարդն ինքն իրեն է զգում իբրև ամենագո և ամենաստեղծ ուժ: Մարդու պայքարը բնության դեմ, բնության զաղտնիքներին տիրանալու տենչը Գորկին համարում է համամարդկային թեմա:

Այս գիտողություններն օգնում են ճիշտ բացատրելու «Բիրլիական»-ի բուն պրորլեմը՝ մարդու բանականության ողելշնված դոմբը, մարդկային ուժի, անպարտելիության, ստեղծագործական անսահման կարողությունների փառաբանումը: Եթե այստեղ կոնֆլիկտ կա, — իսկ զա անպայման կա, — ապա դա, Գորկու բառերով ասած, ակտիվ, կազմակերպող բանականության և, մյուս կողմից, «բնության մեխանիկական քանակության» միջև եղած պայքարն է, պայքարը բիրլիական հավատի և առողջ բանականության միջև: Այդ կերպ պոեմում ցույց է տրված մարդու հաղթանակը բնության կույր ուժերի և խոլական տարերքի դեմ, մարդկային ուժի պատմական հաղթարշավը ընթացքի:

«Իմ բնկեր լորիկը» պոեմում, ժլատ վերարտադրված պատմական ֆոնի վրա, սրված է օրբանոցի սան փոքրիկ լորիկի տխուր պատմությունը, այն հազարավոր որբերից մեկի, որի ընտանիքը տեղահան են արել, զրկել տնիս ու հողից, ծնողներին սրի բաշել զաղթի ճամփերին: Բնական է, որ այդպիսի թեման մոռյլ երանդներով պետք է դուռնավորվեր: Փոքրիկ լորիկի անձնական ճակատագրի մեջ նա խտացրել է շատ ու շատ որբերի կյանքը, որոնք նույն դառնություններն են կրել:

Շիրազի ետպատերազմյան շրջանի պոեմներում արտացոլվել են նաև վերածնվող Հայաստանը, մեր հանրապետությունում տեղի ունեցող պատմական խոշոր վերափոխությունները: Այդ թեմային են նվիրված «Հրազդան»-ը, «Մեր գյուղերի անունները» և «Մարդկանց անունները» պոեմաթերերը: Մեր գյուղերի

ու մարդկանց հին անունների ծաղրը, նոր անունների դովքը վերջին երկու գրվածքներում առիթ են ծառայեցվում զեղարվեստական ընդհանրացումների համար: Հեղինակը շուտ-շուտ անունների հարցը մի կողմ է թողնում և ցույց տալիս, թե ինչպես հնի տխուր բեռը վաղուց թոթափված է, ինչպես մեր գյուղերում նոր կյանքն է եռում, մեր մարդկանց այլ հարցեր են հուզում, նոր կենցաղով, նոր կուլտուրայով ու բարոյականությամբ են ապրում նրանք: Այդ շեղումների ժամանակ բանաստեղծը դիմում է հինն ու նորը իրար հակադրելու եղանակին, որը յուրովի է կիրառված, հնչում է ինքնատիպ ու նոր ձևով:

* *

Շիրազի պոետական գործունեության վերջին շրջանը նշանավորված է «Հատրնտիր» (1954), «Բանաստեղծություններ» (1954) և «Քնար Հայաստանի» (1958) ժողովածուներով: Նոր, թարմ մոտիվներ, հասարակական, բարոյական, խոհական նշանակալից պոռթկումներ, զեղարվեստական խտացած ընդհանրացումներ, հուզական համակող պոռթկումներ, — ահա այս շրջանի բանաստեղծությունների մեծ մասի աչքի բնկնող գծերը:

Այդ ոտանավորներում Շիրազին, նախ և առաջ, զբաղեցնում է պոետի և դարաշրջանի, պոեզիայի և իրականության փոխհարաբերության հարցը: Նա գիտե, որ բանաստեղծը պետք է լինի ժամանակի ոգու արտահայտիչը, բայց միաժամանակ հասկանում է, որ հապճեպ ձևեր բերած մտքերով չի կարելի կատարել կյանքի պահանջը: Նա ճիշտ է կողմնորոշվում. աշխարհից եկած սուլավորություններն ու պատկերացումները ղեկեւ հում, տձև նյութ են, դրանք պետք է մարսել, յուրացնել, իմաստավորել: Բսկական զեղեցիկը թվացյալի մեջ չէ, երևույթների մակերևույթի վրա չի գտնվում, այլ թաքնված է դժվար, որսալի, հաճախ աննկատելի խորքերում: Հայն հայացք է պետք՝ ընդգրկելու իրականության բազմազանությունը, վառ երևակայություն՝ թափանցելու պոռցեսների խորքերը և վերլուծող միտք՝ որոշելու տեղի ունեցող երևույթների իսկական արժեքն ու նշանակությունը: Ահա լուսինը երկնքի բարձրությունից իր լրիվ զեմքը հառել է ծովի վրա, ասում է բանաստեղծը, մարգարիտներ որոնում, բայց իսկական հարստությունը խորքերում է լինում, այնտեղ պետք է որոնել:

— Ձեռ գտնի ոչինչ չուրի վրա,
Թեկուզ և աշխուն առնեւ սուժվի,
Ձեռ գտնի ոչու գասձեւ քրա՝
Մինչև չսուղվես հատակը ծովի:

Շիրազը շոշափում է նաև պոետական բովանդակության հարցը: Նա ճիշտ չի համարում, երբ փառաբանում են իրերն ու ղեկերը, մոռանալով, որ պոեզիայի իսկական առարկան մարդն է, նրա սիրտն ու հոգին: Շիրազը երգում է մարդուն, նրա ուրախություններն ու տրտմությունները: Ով իսկական արժեքները որոնում է խորհող և ապրող մարդու մեջ, նրա պոեզիայի վրա ժանգ չի նստի: Չարենցից եկող պոետական այս առողջ զգացողությունը Շիրազի մի ոտանավորում արտահայտված է հետևյալ կերպ. դուք քնքշությունը թաքցնում եք դողով, և սիրուց տանջվածի վիշտն եմ երգում, դուք շեփոքում եք տրակտորը ղեռ, իսկ ևս տրակտորիստի սրտին եմ նայում, «ձեր երգը պողպատ, իմը՝ սիրտ ու սեր, — և մի՞թե սրտին ժանգը կնստի»: Շիրազը ճիշտ է մտածում:

մեծ պոեզիայի համար մեծ բովանդակություն է պետք, իսկ մեծ բովանդակությունն ստացվում է մարդու և բնության միասնությունից, մարդկային անհատի հոգեկան, բարոյական աշխարհի, նրա դորժերի ու զգացմունքների համադրական արտացոլումից: Այդ միտքը ցայտուն կերպով մարմնավորված է նկարիչների հասցեագրված հետևյալ ոտանավորում.

Քեկուզ բնության զույների բոլոր
Հրախով առեսս քո ձով կտավին.
Նորից ևս հասնի բնությանը խոր,
Քո ձով կտավով փոքր ևս տակավին:
Բայց եթե վրձնես այդ զույների հետ
Եվ մտադու հոգու զույների բոլոր,
Կապույտ քո մի բուռ կտավով հավետ՝
Մարդու պես վսեմ, բնության պես խոր:

Այսպես ուրեմն, իսկական պոետական բովանդակություն, պարզություն, զույների ու ձևերի ճոխություն,— ահա Շիրազի պոետական դավանանքը: Բանաստեղծը սառն արձանագրություններով չի զբաղվում, այլ զեղարվեստական խոր ընդհանրացումներ է կատարում, ամեն մի առանձին, մասնակի երևույթի միջոցով մեծ բովանդակություն է արտահայտում:

Շիրազի ոեալիստական արվեստը մի առանձին փայլ է ստացել առականություն: Դա նոր ժանր է նրա պոեզիայում: Շիրազն ընթացել է հայ դասական ոեալիստական առակի ճանապարհով: Նա, իհարկե, պահպանում է առակի ժանրին հատուկ գծերը՝ այլաբանությունը, կենդանիներին, բնության այլևայլ երևույթներին խոսեցնելը և այլն: Սակայն այս կամ այն մտահղացումը մարմնավորելու համար հաճախ նա այնպիսի ձև է գտնում, որ հենց պատկերային հյուսվածքի մեջ ինքնին երևա տվյալ զառամարը, և ոչ թե անպայման հատուկ մատնացույց արվի վերջում, ինչպես այդ սովորաբար ընդունված է առակի ժանրում: Այդպիսով, այլաբանական տարրը հասցվել է նվազագույն չափի, որի փոխարեն ավելացել է ոեալիստական ընդհանրացման տեսակարար կշիռը, առակը դարձել է առավել սեղմ ու արտահայտիչ: Շիրազի առականությունը շոշափվում են մեծ մասամբ բարոյական, էթիկական հարցեր, դատապարտվում են զոռոգամտությունը, պորտաբուծությունը, անհատապաշտական բարոյականության երևույթները, մյուս կողմից, զովաբանվում է համեստությունը, աշխատասիրությունը, բարերար և առաքինի դորժը:

Շիրազի վերջին ժողովածուներում ևս, ինչպես նախորդ զրվածքներում, հայրենիքի և ժողովրդի թեմաները առաջնակարգ տեղ են զբաղում: Այդ ամեննովին պատահական չէ: Հայրենասիրական զգացմունքը Շիրազի պոետական խառնվածքի, հոգեկան աշխարհի այնպիսի մի օրգանական գիծն է, որ առանց դրա, թվում է, մի ամբողջ տարածություն դատարկ կմնա նրա պոեզիայում: Հայրենիքի կարոտն ամբողջապես համակել է Շիրազի քնարական հերոսին, որն իրեն անբաժանելի է համարում հայրենի երկրի բնությունից, հայրենի աշխարհից: Հայրենիքի պատմության անջնջելի հուշերը, հայրենի օջախի, ոստանների, լեռների, ջրերի կարոտը միշտ ուղեկցում են նրան, միշտ նրա հետ են, ուր էլ որ լինի:

Իր զրչակիցների նման, Շիրազը ևս երդում է իր ժողովրդի ազատատենչ, անընկճելի ոգին, նրա կենաց և մահու պայքարը ազդույին զոյության համար, մշտատե, անհավասար, անողոր պայքարը, որի շնորհիվ նա կարողացել է դի-

մադրել ահեղ փորձություններին, պահպանել իր ազգային ինքնությունը և անցնելով դարերի փոփոխիկների միջով՝ եկել ու ալսօր մասնակցում է սովետական ժողովուրդների պատմական երթին:

Շիրազի քնարական հերոսն ապրում է մարդկայնորեն ղեկեցիկ, բնդհանուր, լայն շահերով: Նրա պոեզիայի իշխող ոգին հումանիզմն է: Այս վերջին ժողովածուներում ևս բավականին տեղ է գրավում բարու, ղեկեցիկի, բարձրի գովքը: Այդ քնաշական հերոսը պատրաստ է սրտաբաց իր զիրկն առնել ամբողջ մարդկությունը, անկեղծորեն ցանկանում է, որ ոչ մեկի աչքից արցունք չթափվի, ոչ մեկի սրտից արյուն չկախվի: Հումանիստ բանաստեղծն իրեն բարոյապես շատ բարձր, հոգևակա շատ ուժեղ, խիզճր շատ հանգիստ է զգում. որ ոչ ոքի չի զրկել հացից, ոչ ոքի տունը չի ավերել, ոչ ոքի չի զրկել օջախից ու հայրենիքից: Ընդհակառակը, խորապես վշտանում է հեռավոր կորեացու թափած արցունքի համար, ատելությամբ է խոսում մարդկության խաղաղությունը պղտորող, ժողովուրդների միջև ատելություն սերմանող, մութ ուժերի մասին, վշտանում է այն բոլոր մոտ ու հեռու մարդկանց համար, որոնց ձեռքից խլում են արդար վաստակը, խաղաղ կյանքը հանում շավիղից: Համերաշխություն՝ ազգերի, ժողովուրդների միջև, խաղաղություն, աղատ, արդար, իրավահավասար կյանք. սրանք են Շիրազի մարդասիրական երազանքները, որոնք զանազան ձևերով մարմնավորվել են նրա գրվածքներում:

Շիրազի հայրենասիրական երկերում ևս, ինչպես նրա մյուս գրվածքներում, հանդիպում է միևնույն մեծ սիրտը. որն ուրախանում է և՛ իր երկրի վերելքով, առաջադիմությամբ, և՛ ժողովուրդների երջանկությամբ, հավասարապես ապրում է և՛ հաբազատ հայրենիքի բախտով, և՛ ուրիշ ազգերի ճակատագրերով: Տեսնելով հայրենի երկրի փթթումը, իր ժողովրդի հաղթական երթը եղբայրական ժողովուրդների ընտանիքում, բանաստեղծի սիրտը լցվում է հպարտության օրինական զգացմունքով:



Շիրազի պոեզիայի վերջին շրջանը ճիշտ ղեկավարելու համար անհրաժեշտ է նկատի ունենալ, որ նրա ստեղծագործական զարգացումն ընթացել է ոչ այնքան նոր թևաներ հայտնագործելու, որքան հին, նախորդ շրջանի գրվածքներից ծանոթ թևաների խորացման ուղղությամբ: Անդրադառնալով ծանոթ թևաներին, նա կարողանում է նոր իմաստներ որսալ, նոր երանգներ հաղորդել ու նոր եղանակով մարմնավորել զրանք: Այդպիսով ծանոթ մոտիվները նորանում են, նոր հնչեղություն են ստանում, ուրեմն և ավելի խորացվում ու բազմազան երանգներ ձևեր բերում: Թևաների խորացում, մոտիվների բազմազանություն, բազմերանգ դրսևորումներն ու բազմակողմանի լուսաբանում՝ ահա Շիրազի վերջին շրջանի պոեզիայի բնորոշ գիծը: Վերցնենք, օրինակ, բնությանը, սիրո թևային նվիրված բանաստեղծությունները, խոհական մոտրումները:

Բնությունը Շիրազի նախորդ շրջանի գրվածքներում հանդես է գալիս մեծ մասամբ կամ իբրև էսթետիկական հայեցողության առարկա, որից հեղինակը հյուսում է պես-պես պատկերներ, կամ գիտվում է որպես նյութական բարիքների աղբյուր: Նույնպիսի մոտեցում երբեմն հանդիպում է նաև վերջին ժողովածուներում: Բայց հիմա այդ չէ, ղլխավորը: Այժմ բնությունը ղերազանցապես

հանդես է դալիս որպես հավատարիմ գրուցրենկեր, որին բանաստեղծը բացում է իր հոգում թաքնված շատ նվիրական գաղտնիքներ: Բանաստեղծը նրան դիմում է որպես մի մտերիմի, որը սրտացավ ունկնդրում է իրեն, մասնակցում է իր մտորումներին: Այսպիսով, բնությունը հիմա կրավորական պատկեր չէ, այլ գործուն տարր, որն ակտիվորեն մասնակցում է պոետական ընդհանրացումներին, խոհերի ու զգացմունքների գրսևորմանը հանդես է դալիս որպես պատկարային հյուսվածքի ու կոմպոզիցիոն շաղախի անբաժանելի տարր, որպես ութմական շարժմանը մասնակցող կարևոր երևույթ:

Բնակարի այսպիսի գործուն մասնակցության ձևերից մեկը բնության շնչավորումն է: Բանաստեղծը խոսեցնում է բնությանը և ինքն էլ խոսում նրա հետ, բնությունը դիտում է որպես սիրո, խլրտացող կյանքի, հուզմունքի, երազանքի առարկայացված մի աշխարհ, որին պետք է վերաբերվել գործվանքով, զգուշությամբ, ակնածանքով, սիրով:

Տեսնես՝ զգո՞ւմ եմ ծաղիկներո,
Տեսնես՝ սիրո՞ւմ եմ ծաղիկներո,
Տեսնես՝ երգո՞ւմ եմ ծաղիկներո:

— Ինչպե՞ս չեմ զգում,
Ո՞նց չեմ սգում,
Երբ ու մեռնում եմ ծաղիկներո:

Սա ոչ այլ բան է, քան եթե բնապաշտպան հայեցողության ցայտուն դրսևորում: Այս յուրահատուկ պանթեիզմը երկու իմաստ ունի: Նախ՝ ծառայեցվում է իրրև մարդկային անհատի ներաշխարհի գրսևորման ձև, արտահայտչական եղանակ: Այս իմաստով բնության երևույթները դառնում են քնարական հերոսի ապրումների թարգմանը, նրա ներաշխարհի հայելին: Երկրորդ, լայն, փիլիսոփայական առումով՝ բանաստեղծը միասնություն է որոնում մարդու և բնության միջև: Այս երկրորդ իմաստով բնությունը ծառայում է որպես ատաղձ մարդկային անհատի հոգեկան աշխարհի սինթետիկ պատկերը տալու, քնարական հերոսի հույզերը, երազանքները, մտորումները, բարոյական հատկությունները ավելի լայն չափերով արտացոլելու համար:

Մարդու և բնության միասնության միևնույն կոնցեպցիան հանդիպում է նաև Շիրազի վերջին շրջանի խոհական երգերում, որոնք առհասարակ մեծ տող են զբաղում նրա պոեզիայում: «Երգ Հայաստանի»-ից հետո նա շարունակ անդրադարձել է բանաստեղծական խոհին և տվել մի շարք աչքի ընկնող գործեր, որոնց մասին արդեն խոսվեց վերը: Վերջին շրջանի խոհական բանաստեղծություններն ավելի են կատարելագործվել, նրանց բովանդակությունն ավելի է խորացել: Մյուս կողմից, ընդարձակվել են կենսական ընդգրկման շրջանակները: Ինչպես առականերում ու այլ ոտանավորներում, այնպես էլ խոհական երգերում հեղինակը երևութականը խարուսիկ է համարում, մարդկային անհատի հարստությունը նրա բարի գործերի, կյանքում թողած հետքի մեջ է որոնում, առաքինության ու հումանիզմի մեջ: Բանաստեղծը նաև խորհրդածություններ է անում կյանքի, փառքի, մահվան մասին: Կյանքը պետք է սիրել, կյանքի արժեքը պետք է իմանալ, յուրաքանչյուր օրը իմաստալից պետք է անցկացնել, կղա մի պահ, շատ կփոշմանես անիմաստ շոռյալած օրերիդ համար, — այսպիսի խոհերով են իմաստավորված այդ բանաստեղծությունները:

Շիրադի խոհական գրվածքների գլխավոր պրոբլեմը՝ մարդու ուժն ու հզորությունը, նոր երգերում իմաստավորվում են նոր ձևով։ Այդտեղ ցույց է տրվում մարդկային կարողությունների մի նոր ոլորտ, ուժի ու հզորության մի լրացուցիչ աղբյուր։ դա մարդու և բնության միասնությունն է, բայց այնպիսի միասնություն, որտեղ մարդկային անհատականությունը չի անհետանում, չի տարրալուծվում, այլ, ընդհակառակը, ավելի է մեծանում նրա կշիռն ու կոշումը։

Մարդու և բնության միասնություն ասելով հասկացվում է բնությունը՝ գումարյալ մարդու ստեղծումները, մարդու աշխատանքային, մտավոր, հոգևոր գործունեությամբ ձևափոխված, հարստացած ու իմաստավորված իրականությունը։ Հենց այդ միասնության մեջ են մարդու ուժն ու հրաշագործ կարողությունները։ Մարդու և բնության միասնության պրոբլեմը քանաստեղծական վառ պատկերով արտահայտված է, օրինակ, այս ոտանավորում.

Քնուրյան առջև, երբ սրտում
 Խա կամ, շնչում եմ, իշխում երան.
 Սիրտս մեկ ուրախ ու մեկ տրտում՝
 Ասես պատկերն եմ ես բնության.
 Ես եմ երան, ես եմ ինձ,—
 Ասես բն եմ եմ հյուսել երան.
 Ասես բն եմ եմ ի իր իրերից
 Հյուսել հոգու ձովն իմ անսահման:
 Մ. եմ է. եմ է ստեղծել ինձ.
 Որ իմ մեջ տեսնի ինքն իրեն.
 Ինչպես որ ես եմ իր հյուսելում
 Տեսնում էությունն իմ անսահման...

Մարդը բնության մի հյուսելն է, բայց ոչ անգործուն, անօգնական, կրավորական էակ։ Մարդը բնության ծնունդ և միաժամանակ՝ բնության ստեղծագործ ուժ։ այդ փոխադարձ սիդդեյություն, փոփոխման ու փոխադարձաբար իրար հարստացման մեջ է կայանում մարդու և բնության միասնության իմաստը, որն այնքան ինքնատիպ ձևով երգում է Շիրադը, այդ եղանակով բացահայտելով քնարական հերոսի նոր կոյմեր։ Այդ, անշուշտ, նոր երանգ է բանաստեղծի խոհական երգերում։

Պոետական միկենույն ակունքից բխող ուժեղ պոռթկումներ հանդիպում են նաև բանաստեղծի վերջին ժողովածուների սիրային երգերում։ Դրանք բնթերցողի առաջ բացում են ալիկոծումներով լի մի խռովահույզ աշխարհ, որտեղ խնդությանը հաջորդում է թախծը, երազանքներին՝ հիասթափությունը, քաղցրը հուշերին՝ զղջանքն ու բողոքը։ Դրանց մի մասում զեղարվեստական տպավորիչ խոսքով մարմնավորված են հոգեկան սրու սուր պահեր. կարոտ, կսկիծ, քաղցր հուշ, հիասթափություն։ Առաջատար դիրք հավատարիս, անդամաձան, ամուր սիրո գովքն է։ Բնությունը դարձյալ չզոհացած, չիրականացված սերն է։

Շիրադը հավատարիմ է իր պոետական բնավորությանը. «Գարնանամուտ»-ից ու «Երդ Հայաստանի»-ից սկսած մինչև վերջին ժողովածուն համառ հետևողությամբ սիրո թեման միշտ մնում է նրա ուշադրության կենտրոնում, բնական ճանապարհով դալիս է բանաստեղծի հոգեկան աշխարհից, նրա բանաստեղծական մտածողության անբաժան մասն է։

Շիրադի վերջին ժողովածուների սիրային երգերում հաճախ հանդիպում են մոռյալ գույներ։ Վշտոտ բողոք, տխուր հուշեր, չզոհացած, երբեմն խոցված

հոգու կսկծալի մրմունջները: Պետք է ասել, որ այդ նոր տրամադրությունը չէ Շիրազի պոեզիայում: Նախորդ շրջանի սիրային երգերը ևս զղալի չափով երանգավորված են մոայլ գույներով: Սակայն նախկին ոտանավորներում չգոհացված սիրո ներքին իմաստը մնում էր շրադահայտված: Վերջին շրջանի սիրո նրբերի նոր երանգն այն է, որ վերջապես բացահայտվում է տխուր տրամադրությունների խորքում թաքնված ներքին իմաստը: Այժմ մենք տեսնում ենք, որ ուժեղ զգաղմունքներով օժտված քնարական հերոսը ուժեղ սեր է ուզում, պահանջներն ու չափանիշները մեծ են, բայց իրականում չի գտել, չի գտնում այդպիսի մեծ սեր: Հավատացած էր, որ կարողացած սերը պետք է տաներ զեպյու բարձրձր, բայց այն գուրկ էր թև ու թռիչքից, խաբուսիկ էր: Հենց այստեղից էլ առաջանում են տխուր նվաղները: Բայց այդ ամեննին թույլ հոգու հիվանդոս տրամադրություն չէ. այլ հիասթափության բնական մի արտահայտություն: Ետ բերեք իմ երազները. ահա բանաստեղծի սիրային երգերի վերջին կորակազույթությունը՝ իրական ուժեղ սեր չգտնելուց հետո: Այսպիսով, Շիրազի սիրային երգերի հիմնական գիծն այն է, որ իրական սերը տեղի է տվել երազականին: Եթե դրան մոտենանք նեղ առումով, ապա կարող ենք ասել, որ բանաստեղծն անհատական սնահաջող սերն է երգում: Բայց լայն առումով մոտենալով, լայն բնահանրացումներ կարելի է տեսնել: Եվ, իսկապես, դրանցում զգացվում է երազականի և իրականի անհաշտություն, հեղինակի քնարական հերոսին հուզում է գեղեցիկը. մաքուրը, կատարյալը, որպես ընտանեկան, բարոյական և հասարակական կյանքի իսկական հիմք, որպես վարքի չափանիշ: Այդպիսի հումանիստական բարձր կետից Շիրազի բնարական հերոսը վիճում է աններդաշնակություն առաջացնող երևույթների դեմ:

Բայց այդ ամեննին չի թուլացնում իրականի զգացողությունը: Շիրազը օժտված է առողջ բանականությամբ, ամուր կանգնած է իրական հողի վրա: Եթե իրականում ցանկալին չգտավ և հաճախ սավառնում է զեպի երազական ոլորտները, այդ ամեննին փախուստ չէ իրականությունից: Այդ միայն մի բան է նշանակում. բանաստեղծը չի ուզում իջնել պայծառված իդեալների բարձրությունից, այլ ուզում է իրականը հասցնել իդեալականի բարձրության, ավելի ճիշտ՝ ձգտում է հասնել երկու կողմերի ներդաշնակության:

Այսպիսով, Շիրազի վերջին շրջանի խոհական, բնության և սիրո պրվածքները հանգիստանում են փոփոխական հարուստ բնահանրացումներ, որտեղ նախորդ շրջանից եկող ծանոթ թեմաները ստացել են նոր երանգներ և որոնք բացահայտում են քնարական հերոսի հոգեկան, բարոյական աշխարհի նոր, ուժեղ կողմերը: Այդ իմաստով անձնական թեմաներ պարունակող գրվածքները ևս հանդիսանում են նոր, բարձր փուլ հեղինակի ստեղծագործական էվոլյուցիայի այս շրջանում:

ВЫДАЮЩИЙСЯ ПОЭТ

(К 50-летию со дня рождения Ов. Шираза)

С. А. СОГОМОНЯН

(Р е з ю м е)

Литературная деятельность талантливого современного армянского поэта Ованеса Шираза имеет более чем 30-летнюю историю. Уже первые его произведения — сборники «Весна» (1936), «Песнь Армении» (1940) и поэма «Сиаманто и Хджезаре» (1936) — показали, что поэт органически связан с жизнью и что источником его поэтических вдохновений является современность.

Тридцатые годы для него были годами поисков собственных тем, самобытных мотивов и работы над стилем. В годы Великой Отечественной войны начинается новый плодотворный период в творческой жизни поэта, период идейного роста, повышения художественного мастерства и тяги к глубоким обобщениям. Этот этап отмечен сборниками «Голос поэта» (1942), «Книга песен» (1942) и «Тирика» (1946). Ведущими темами были: судьба Родины и народа, прославление могучих советских вооруженных сил, вопросы войны и мира, душевный мир человека. Поэзия Шираза глубоко проникнута оптимистическим духом, гуманизмом, верой в победу нашего дела, в творческие силы советского человека. В произведениях этого периода, как и последующего — послевоенного, — мы находим также мотивы интимной окраски — «вечные» темы лирики непосредственных чувств: любовь, природа, воспоминания, детство, думы о жизни и смерти и т. д.

Ованес Шираз — поэт лирического склада. Вместе с тем он обладает ярко выраженным эпическим талантом. Его поэмы («Сиаманто и Хджезаре», «Библейская», «Мой друг Лорик», «Раздан», «Имена наших людей», «Имена наших сел») принадлежат к выдающимся произведениям этого жанра в современной армянской поэзии. В них затрагивается ряд кардинальных проблем: критика частнособственнической морали и социального неравенства («Сиаманто и Хджезаре»), прославление человека, его творческой силы, преобразующей природу («Библейская»), судьба молодого человека в эксплуататорском обществе («Мой друг Лорик»), формирование новых нравственных норм («Раздан», «Имена наших людей», «Имена наших сел») и т. д.

Послевоенные годы, в особенности последнее десятилетие, являются периодом расцвета творческих сил поэта. Им были опубликованы следующие новые сборники: «Книга мира и любви» (1951), «Избранные» (1954), «Стихотворения» (1954), «Лирика Армении» (1958). Новые, свежие мотивы, проблемы общественного, этического, философского содержания, высокое искусство стиха, пластические образы, глубокие обобщения, эмоциональная насыщенность — таковы главные идейно-художественные черты поэзии Ов. Шираза этого периода. Поэт все чаще обращается к

патриотическим темам, снова возвращается к ранее воспетым мотивам— вопросам любви, природы, философского раздумья, которые теперь имеют новое звучание. Поэт создал также цикл ярких реалистических басен, которые отличаются глубиной содержания и стройной композицией. Патриотические, философские стихи и басни Шираза, а также лирические стихотворения поэта занимают свое достойное место в армянской советской поэзии последних лет.